

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 419260/06

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 16.06.2020 թվականի թիվ 4356 վարչական իրավախախտման վերաբերյալ արձանագրությունը, քննելով թիվ 44356 վարույթը և կից նյութերը,

ՊԱՐԶԵՑԻ

Ա/Ձ Սամվել Աշոտի Խաչատրյանը /ՀՀՀՀ 35113745, հասցե՝ ք. Երևան, Մանթաշյան 4/7-18, անձն. տվյալներ՝ AH0435679, ՀԾՀ՝ 3503550836/ ՀՀ Հարկային օրենսգրքի 261-րդ հոդվածով սահմանված ժամկետում չի ներկայացրել 2020 թվականի 1-ին եռամսյակի շրջանառության հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին՝ կողմը ներկայացրել է դիմում առ այն, որ իր կողմից 2020 թվականի 1-ին եռամսյակի շրջանառության հարկի հաշվարկը ստորագրվել է 08.04.2020 թվականին ժամը 11:29-ին, սակայն տեխնիկական պատճառով չի վավերացվել, նոր վավերացումը կատարվել է 27.05.2020 թվականին: Կողմը ներկայացրել է նաև 2020 թվականի 1-ին եռամսյակի շրջանառության հարկի հաշվարկի պատճենը՝ ստորագրված 08.04.2020 թվականին՝ խնդրելով վարչական տուգանք չկիրառել:

Գործի քննության ընթացքում կողմի ներկայացրած փաստաթղթերի ուսումնասիրությամբ պարզվել է, որ Սամվել Խաչատրյանի կողմից 2020 թվականի 1-ին եռամսյակի շրջանառության հարկի հաշվարկը կազմվել և ստորագրվել է 08.04.2020 թվականին, սակայն հարկային մարմին է ներկայացվել 27.05.2020թ-ին: Հարկային մարմնում առկա տվյալների համաձայն 2020 թվականի 1-ին եռամսյակի շրջանառության հարկի հաշվարկից առաջացած հարկային պարտավորությունը մարվել է նույն օրը, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Սամվել Աշոտի Խաչատրյանին ազատել վարչական պատասխանատվությունից և հայտարարել բանավոր դիտողություն:

2. Սամվել Աշոտի Խաչատրյանի նկատմամբ հարուցված թիվ 44356 վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ զանգառ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով, բաց թողնելու դեպքում այդ ժամկետը կարող է վերականգնվել զանգառը քննելու համար իրավագոր մարմնի (պաշտոնատար անձի) կողմից՝ այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Մասնակցեցի գործի քննությանը, որոշման վերաբերյալ առարկություններ չունեն